



REGISTRO XERAL DA XUNTA DE GALICIA
REGISTRO XERAL
SANTIAGO DE COMPOSTELA

Data 18/05/2016 12:45:35

SAÍDA 54527 / RX 600003



Estimado/a director/a,

Diríxome a vostede para poñer en marcha a avaliación individualizada de terceiro curso de educación primaria na Comunidade Autónoma de Galicia, regulada pola Resolución do 18 de abril de 2016, da Dirección Xeral de Educación, Formación Profesional e Innovación Educativa (DOG do 26 de abril).

Para o desenvolvemento desta avaliación constituirase unha comisión de coordinación en todos os centros educativos, de acordo co punto décimo da citada resolución.

A proba, na que se avalían a competencia en comunicación lingüística e a competencia matemática, terá lugar os días 24 e 25 de maio de 2016.

Para o apoio na xestión do proceso relacionado con esta avaliación, os centros contan coa plataforma informática *avaldia* para que poidan comprobar, actualizar ou, se é o caso, cargar as listaxes de alumnado e descargar materiais necesarios para a aplicación da proba.

Achégase con este escrito instrucións para a aplicación e corrección das probas desta avaliación e nota informativa para facer chegar ás familias do alumnado de terceiro curso de educación primaria.

Santiago de Compostela, 16 de maio de 2016.

O director xeral de Educación, Formación Profesional e Innovación Educativa




Manuel Corredoira López



Instrucións da Dirección Xeral de Educación, Formación Profesional e Innovación Educativa para a aplicación e corrección das probas da avaliación individualizada de terceiro curso de educación primaria que terá lugar os días 24 e 25 de maio de 2016 nos centros docentes da Comunidade Autónoma de Galicia.

Por Resolución do 18 de abril de 2016 (DOG do 26 de abril), da Dirección Xeral de Educación, Formación Profesional e Innovación Educativa, dítanse instrucións para o desenvolvemento da avaliación individualizada de terceiro curso de educación primaria e da avaliación final de educación primaria nos centros docentes da Comunidade Autónoma de Galicia no curso escolar 2015/16.

Co fin de concretar aspectos técnicos para a realización das probas da avaliación individualizada de terceiro curso de educación primaria nos centros educativos que impartan ensinanzas de terceiro curso de educación primaria, esta dirección xeral dita as seguintes instrucións.

Aplicación informática *avaldia*

Para o apoio na xestión da proba de avaliación, os centros contarán coa plataforma informática *avaldia*.

O modo de entrar na aplicación é tecleando na barra de dirección: www.edu.xunta.es/avaldia

Os directores e directoras dos centros educativos están habilitados/as de oficio para utilizar a aplicación (perfil de “XestorCentro”) e deberán crear



os perfís de usuarios da aplicación na opción de menú “Usuarios/as. Asignación de profesorado”. Cada centro habilitará o número de persoas imprescindible.

Cabe a posibilidade de que a dirección habilite unha segunda persoa do centro co seu mesmo perfil (perfil de “XestorCentro”). Neste caso, será preferentemente un membro do equipo directivo ou un membro da comisión de coordinación da avaliación.

O manual de usuario da aplicación descárgase na opción de menú “Probas. Descargas. Documentos”; nel detállanse, de xeito pormenorizado, todos os aspectos referidos á aplicación *avaldia*. Cómpre entregar unha copia deste manual a todas as persoas que teñan asignado un perfil de usuario en *avaldia*. Nesta mesma opción de menú poderán descargarse o resto dos materiais (manuais, instrucións, audios, ...). As persoas co perfil de “XestorCentro” son as únicas que poden acceder a estas descargas.

Datos do alumnado

As persoas habilitadas en *avaldia* co perfil de “XestorCentro” deben realizar as seguintes operacións **entre os días 18 e 20 de maio**:

- Listaxe de alumnado. Na opción de menú “Probas. Mantemento alumnado”
 - Centros con xade: comprobar que a listaxe de grupos e dos alumnos e alumnas de terceiro de educación primaria é a correcta.



Desde a administración educativa realízase unha carga previa dos grupos e das listaxes deste alumnado.

- Centros sen xade: cargar a listaxe completa de grupos e alumnado de terceiro de educación primaria.
- Datos da proba. Na opción de menú “Probas. Datos académicos”:
 - Tipo de proba: indicar o tipo de proba (xeral ou adaptada) que realizará cada alumno e alumna en cada competencia segundo o establecido no punto sétimo da Resolución do 18 de abril de 2016.

Cuestionarios de contexto

1. A dirección e o profesorado titor cubrirán os seus respectivos cuestionarios na aplicación *avaldia* na opción “Probas. Carga de datos. Cuestionarios” ata o día 3 de xuño.
2. O cuestionario de alumnado e familias poderase cubrir en liña ou en papel entre os días 24 e 31 de maio. Os centros enviarán ás familias o cuestionario de contexto en papel e unha carta coa clave de acceso para completar o cuestionario en liña, segundo as instrucións que se descargarán da aplicación *avaldia*.
3. O profesorado cargará ata o día 3 de xuño na aplicación *avaldia* os datos dos cuestionarios cubertos en papel.

Material para a realización da proba

O material da proba será distribuído aos centros educativos directamente desde a Consellería de Cultura, Educación e Ordenación Universitaria nos



días anteriores ás datas de realización da proba. Os responsables da dita distribución poranse en contacto co centro para confirmar a entrega deste material.

Calquera incidencia relacionada coa entrega dos materiais, deberá poñerse en coñecemento da inspección educativa do centro, e achéganse tamén os seguintes teléfonos e correos electrónicos de contacto:

Servizo de Avaliación e Calidade do Sistema Educativo

Teléfono: 981 546 572 / 981 540 188

Correo electrónico: avaliacions@edu.xunta.es

O material será recibido polo director ou directora do centro ou por un membro do equipo directivo, quen deberá comprobar que na caixa ou no sobre de envío está todo o material necesario para a proba, é dicir, o número de cadernos e cuestionarios de contexto que se indica na etiqueta do envío:

- Caderno 1 e caderno 2 da Competencia en comunicación lingüística.
- Caderno 1 e caderno 2 da da Competencia matemática.
- Cuestionario do alumnado e das familias.

Os cadernos das competencias non poderán ser desprecintados ata o momento de realización das probas.

O resto do material necesario será descargado ou xerado na aplicación *avaldia* polos centros educativos:

- Listaxes de alumnado e etiquetas codificadas.
- Manual de aplicación da proba.
- Cuestionario de dirección.



- Cuestionario de profesorado titor.
- Archivos de audio para a comprensión oral (ou, se é o caso, os seus equivalentes en formato texto).
- Manual de usuario da aplicación avaldia.

Os arquivos de audio forman parte da avaliación da competencia en comunicación lingüística, en concreto da destreza de comprensión oral. A dirección do centro deberá realizar unha das seguintes accións:

- Descargar todos os arquivos de audio da aplicación avaldia e gravalos nun dispositivo de almacenamento, e prever os medios para a súa reprodución o día da proba, garantindo unhas condicións de audición correcta.
- En caso de absoluta imposibilidade de utilizar os arquivos de audio, descargar os arquivos correspondentes á comprensión oral en formato de texto (tamén están na aplicación avaldia). Neste caso, a persoa aplicadora realizará a súa lectura, da maneira máis similar posible a como se realiza no formato de audio. De darse esta circunstancia recoméndase que a persoa aplicadora, previamente, se familiarice cos textos que debe ler.

Aplicación da proba

As probas aplicaranse entre o comezo do horario lectivo de cada centro e as 13 horas de cada día. Correspóndelle á comisión de coordinación de avaliación do centro o axuste dos horarios para adaptar a realización da proba á súa xornada escolar do mellor xeito posible.



O día da proba, a dirección do centro porá a disposición das persoas encargadas da aplicación o seguinte material: listaxe do alumnado, etiquetas dos cadernos, manual de aplicación da proba e arquivos de audio para a comprensión oral. Este material descárgase ou xérase na aplicación *avaldia*.

Rematada a aplicación da proba, as persoas aplicadoras rexistrarán en *avaldia* a relación de alumnos e alumnas non presentados e entregarán os cadernos e a listaxe de alumnado á dirección do centro educativo.

As probas aplicaranse na seguinte orde:

Día	Competencia	Caderno	Tempo estimado
24 maio	Comunicación lingüística	Caderno 1	60 minutos
	Descanso		Entre 20-30 minutos
	Matemática	Caderno 1	50 minutos
25 maio	Comunicación lingüística	Caderno 2	60 minutos
	Descanso		Entre 20-30 minutos
	Matemática	Caderno 2	50 minutos

Corrección das probas e gravación dos datos

A dirección do centro entregará os cadernos de alumnado e os manuais de corrección das competencias ás persoas designadas para a súa corrección. Estas persoas deberán corrixilos aplicando os criterios de corrección e rexistrar os datos na aplicación *avaldia* antes do día 3 de xuño.



Calquera incidencia relativa á aplicación informática *avaldia* debe ser posta en coñecemento da Unidade de Atención a Centros (UAC), para a súa resolución, a través de:

Teléfono: 881 997 701

Fax: 881 997 788

Correo electrónico: uac@edu.xunta.es

Santiago de Compostela, 16 de maio de 2016

O director xeral de Educación, Formación Profesional e Innovación Educativa



Manuel Corredoira López